

HISTORIA DO MUNDO CONTEMPORÁNEO
EXAME*
UNIDADE 11

NOME	APELIDOS	CURSO
------	----------	-------

O EXAME CONSTARÁ DE **DÚAS PREGUNTAS**, CORRESPONDENTE CADA UNHA DELAS A UNHA PARTE. POR UN LADO ESTÁ A **PARTE TEÓRICA**, QUE PUNTUARÁ ATA **CINCO PUNTOS**, E POR OUTRO, A **PARTE PRÁCTICA**, QUE PUNTUARÁ TAMÉN ATA **CINCO PUNTOS**.

PARTE TEÓRICA

PREGUNTA 1. Marque cunha cruz a opción correcta de entre as tres que se propoñen (CADA PREGUNTA FALLADA PENALIZARÁ UNHA PREGUNTA ACERTADA) (puntuación máxima de **5 puntos**):

1. A supremacía em canto a forzas terrestres, em concreto em divisións de infantaría, ao inicio da Segunda Guerra Mundial correspondía: ☐ a Reino Unido, Francia e Polonia ☐ a Alemaña ☐ ao Segundo Reich	2. A principal dificultade que tiña o exército alemán ao inicio da Segunda Guerra Mundial, pese á súa superioridade de efectivos, era: ☐ a necesidade de ferro, gasolina, caucho e outras materias primas para a súa maquinaria ☐ o maior número de poboación das potencias do eixe ☐ a superioridade en recursos económicos de Alemaña e dos seus aliados
3. Os exércitos dos países aliados puideron aproveitar o seu maior potencial económico e demográfico durante a Segunda Guerra Mundial cando: ☐ triunfou definitivamente a estratexia da guerra lóstrego de Alemaña ☐ se alongou a guerra ☐ deixaron de fabricar armamento e de ampliar o exército	4. Entre os avances científico-técnicos que se aplicaron durante a Segunda Guerra Mundial estaban: ☐ a invención do tanque de combate ☐ o radar británico ☐ a enerxía atómica utilizada por Xapón contra Estados Unidos
5. Alemaña tratou de asegurarse o aprovisionamento de ferro sueco durante a Segunda Guerra Mundial: ☐ declarándolle a guerra a Suecia ☐ invadindo Dinamarca e Noruega ☐ renunciando a continuar coa súa expansión territorial	6. O avance do exército alemán por territorio francés durante a primeira fase da Segunda Guerra Mundial rematou: ☐ coa sinatura do armisticio de Compiegne ☐ coa entrada do exército aliado en París ☐ coa independencia de Bélxica e os Países Baixos do dominio nazi
7. Italia entrou na Segunda Guerra Mundial do lado de Alemaña lanzando unha ofensiva sobre a colonia británica de Exipto porque pretendía: ☐ acceder ao petróleo de Libia e Etiopía ☐ chegar ao canal de Suez para obstaculizar as comunicacións de Gran Bretaña co seu império ☐ derrotar o Afrika Korps en Oriente Próximo	8. Hitler decidiu intervir na zona dos Balcáns durante a Segunda Guerra Mundial porque: ☐ fracasou o intento de invasión de Grecia por parte de Italia ☐ triunfou a invasión de Checoslovaquia por parte de Albania ☐ enviou o Afrika Korps para ocupar Bulgaria e Romanía
9. A denominada Operación Barbarrubia que levou a cabo o exército alemán durante a Segunda Guerra Mundial tiña entre os seus obxectivos: ☐ acceder ao carbón e ao gas de Oriente Próximo ☐ obstaculizar as comunicacións de Gran Bretaña co seu imperio no Océano Pacífico ☐ obter os cereais rusos e o petróleo do Cáucaso	10. O fracaso das tropas nazis no asedio a Leningrado e na toma de Moscova debeuse entre outros motivos: ☐ á rápida reacción do exército ruso impedindo o avance do ataque lóstrego alemán ☐ á abundancia de carburante durante os meses de verán ☐ á política de terra queimada levada a cabo polo exército ruso
11. Entre os territorios que dominaba Xapón en 1942 na zona do Pacífico estaban: ☐ Indochina, Bangladesh e Australia ☐ Indonesia, a illa de Guam e Nova Zelandia ☐ Birmania, Filipinas e as illas Salomón	12. As tropas xermanas víronse obrigadas a capitular na batalla de Stalingrado debido a motivos como: ☐ a chegada de numerosos reforzos desde Alemaña ☐ os efectos da fame e do frío ☐ as altas temperaturas do verán ruso

13. A República de Saló que se creou en Italia durante a Segunda Guerra Mundial: ☐ ocupaba o centro e o norte do territorio de Italia ☐ estaba gobernada por Mussolini e baixo control dos aliados ☐ era un estado libre do control da Alemaña nazi	14. O contraataque das tropas estadounidenses no Océano Pacífico provocou: ☐ a derrota norteamericana na batalla de Kursk ☐ a demostración da superioridade xaponesa no ataque ás illas Carolinas e ás illas Marianas ☐ a vitoria de Estados Unidos nas batallas aeronavais de Midway e Guadalcanal
15. A capitulación de Berlín e a rendición incondicional de Alemaña na Segunda Guerra Mundial provocaron que o conflito: ☐ finalizase xa nese mesmo momento ☐ se mantivese ata a celebración da Conferencia de Alta ☐ continuase aínda con combates no Océano Pacífico	16. O lanzamento das bombas atómicas sobre as cidades xaponesas de Hiroshima e Nagasaki en agosto de 1945 foi unha decisión que tomou: ☐ o presidente estadounidense Harry Truman para evitar o alongamento da guerra ☐ o congresista Franklin Delano Roosevelt para prolongar a guerra no Océano Pacífico ☐ o emperador xaponés Hirohito para evitar a rendición do seu país na guerra
17. Algunhas persoas aceptaron a ocupación do seu territorio e colaboraron activamente co réxime nazi por razóns como: ☐ o rexeitamento a calquera actitude colaboracionista ☐ o temor ao fracaso dunha revolución comunista ☐ o simple oportunismo	18. O movemento patriótico de rexeitamento da ocupación alemá que se produciu en varios países durante a Segunda Guerra Mundial foi denominado como: ☐ resistencia ☐ terror nazi ☐ colaboracionismo
19. Moitas persoas sufriron grandes desprazamentos de poboación ao finalizar Segunda Guerra Mundial debido a motivos como: ☐ o envío de prisioneiros aos campos de concentración nazis ☐ a desaparición do Estado de Polonia acordada nos tratados de paz ☐ os cambios producidos nas fronteiras	20. O tribunal internacional que se creou ao finalizar a Segunda Guerra Mundial encargouse de definir o novo concepto xurídico de: ☐ leis de Núremberg ☐ masacres humanitarias chinesas en Xapón ☐ crimes contra a humanidade
21. A maior parte dos países de Europa occidental estableceron tras a Segunda Guerra Mundial un sistema político: ☐ da democracia parlamentaria ☐ das chamadas democracias populares ☐ de democracias comunistas baixo o control da URSS	22. Entre os países de Europa oriental nos que se estableceron ditaduras comunistas baixo a hexemonía da URSS estaban: ☐ Alemaña Occidental e Hungría ☐ Austria e Bulgaria ☐ Polonia e Checoslovaquia
23. Os acordos de paz celebrados tras a Segunda Guerra Mundial estableceron que Xapón: ☐ mantivese boa parte do seu imperio en Asia ☐ se convertese nunha ditadura baixo o control da URSS ☐ fose ocupada e democratizada por Estados Unidos	24. O territorio de Corea, que fora ocupado polas tropas xaponesas durante a Segunda Guerra Mundial, despois deste conflito foi: ☐ dividido en catro zonas de ocupación ☐ ocupado ao norte do paralelo 38°N pola URSS ☐ ocupado ao sur do paralelo 38°N por China
25. A Organización das Nacións Unidas creouse coa intención de exercer como unha nova organización internacional que mantivese a paz e a seguridade internacionais: ☐ en 1945 na Conferencia de Postdam ☐ en 1945 na Conferencia de San Francisco ☐ en 1949 no Tratado do Atlántico Norte	26. Entre os fins da ONU, que están fixados na Carta das Nacións Unidas, están: ☐ a estimulación da loita contra os dereitos e liberdades ☐ o recoñecemento do dereito á libre determinación dos pobos ☐ a cooperación pacífica para impedir a independencia das colonias dos grandes imperios
27. A Asemblea Xeral é un organismo da ONU que está formado por todos os Estados membros e que ten entre as súas funcións: ☐ emitir recomendacións ☐ eliminar o dereito de veto dos membros permanentes ☐ elaborar resolucións de obrigado cumprimento para todos os países membros da organización	28. Entre os Estados que teñen a condición de membros permanentes do Consello de Seguridade da ONU están: ☐ Estados Unidos e Alemaña ☐ Xapón e Francia ☐ Rusia e China
29. Todos os países membros da ONU están obrigados a: ☐ exercer como membros permanentes do Consello de Seguridade ☐ cumprir as resolucións do Consello de Seguridade ☐ ter un secretario xeral da ONU nacido no seu país ao longo da historia da organización	30. A Secretaría Xeral da ONU está formada por un corpo de funcionarios e por un secretario xeral que é elixido: ☐ cada dous anos entre os dez membros permanentes do Consello de Seguridade ☐ cada catro anos nas eleccións celebradas en cada un dos Estados membros ☐ cada cinco anos pola Asemblea Xeral da ONU

PREGUNTA 2. Realice un comentario do seguinte bloque de documentos históricos seguindo os pasos e pautas de comentario que aparecen a continuación (ESTENSIÓN APROXIMADA: 50-60 LIÑAS OU 500-600 PALABRAS) (puntuación máxima de **5 puntos**):

BLOQUE DE DOCUMENTOS 1

ORIENTACIÓNS: A partir dos dous documentos que se guen debes elaborar un comentario sobre as **orixes e causas da Segunda Guerra Mundial**. Na redacción debes abordar as seguintes cuestións: **o expansionismo nazi e fascista, a debilidade das democracias (DOCUMENTO 2) fronte a esta política expansionista (DOCUMENTO 3), o camiño cara a guerra coa sinatura do Pacto xermano-soviético e o expansionismo de Xapón**. Lembra que non se trata de responder a preguntas illadas, senón de realizar un **comentario coherente e argumentado**, e que na avaliación se terán en conta os coñecementos, a utilización dos documentos e a corrección da expresión escrita.

Pasos a seguir para o comentario con dous documentos históricos

1. PASO 1: **INTRODUCCIÓN** (explicación xeral e definición da Segunda Guerra Mundial)
2. PASO 2: **EXPLICACIÓN DO CONTEXTO HISTÓRICO PREVIO** (expansionismo nazi e fascista, facendo referencia á Conferencia de Desarmamento de Xenebra, ao abandono da Sociedade de Nacións por parte de Alemaña, á anexión do Sarre por parte de Alemaña, ao restablecemento do servizo militar obrigatorio en Alemaña, á rede de alianzas establecida por Francia contra a Alemaña e á invasión de Etiopía por parte de Italia)
3. PASO 3: **COMENTARIO DO PRIMEIRO DOCUMENTO** (debilidade das democracias fronte ao expansionismo nazi e fascista, facendo referencia á pasividade das democracias (DOCUMENTO 2))

DOCUMENTO 2. O REARMAMENTO ALEMÁN

2. O rearmamento alemán.

O éxito de Hitler non sería posible se non fose polo letargo e a insensatez dos Gobernos franceses e ingleses de despois da guerra [...]. Ningún sincero intento se fixo para chegar a entenderse cos varios Gobernos moderados que tivo Alemaña baixo o sistema parlamentario.

Hitler proclamara reiteradamente que, se chegaba ao poder, faría dúas cousas [...] ía recobrar o seu posto en Europa mediante o rearmamento; e os alemáns íanse redimir do paro poñéndose a traballar no armamento [...] así, desde o ano 1933, todas as enerxías en Alemaña foron dirixidas á preparación da guerra.

WINSTON CHURCHILL, «Hitler e a súa opción»,
Grandes contemporáneos, 1935 (adaptado)

Pautas a seguir para o comentario do texto histórico

a) CLASIFICACIÓN

- Título
- Natureza do texto
 - En función da súa orixe (fonte primaria ou fonte secundaria)
 - En función da súa forma (histórico-circunstancial, histórico-testemuñal, histórico-literario...)
 - En función do seu contido (xurídico, político, económico, filosófico, xeográfico...)
- Época na que foi escrito
- Lugar no que foi escrito
- Autor ou autores
- Destino
- Intención e obxectivos

b) ANÁLISE

- Tema
- Temas ou ideas secundarias

c) COMENTARIO

- Explicación do tema ou temas que trata o texto, **sempre en relación e facendo referencia ao contido dos documentos**
 - Mención en primeiro lugar das circunstancias históricas nas que se elaborou o texto
 - Explicación a información que contén e dos datos que nos achega sobre o acontecemento e a época, utilizando *“entre aspas”* algunha ou algunhas citas textuais
 - Identificación da mensaxe que nos pretende transmitir

d) CONCLUSIÓN

- Valoración crítica do texto como fonte de información sobre os feitos históricos tratados (autenticidade, exactitude, sinceridade, obxectividade, nivel de interese á hora de analizar o acontecemento ou a época histórica na que se inscribe...)

4. PASO 4: EXPLICACIÓN DO CONTEXTO HISTÓRICO INTERMEDIO (ocupación da zona desmilitarizada de Renania por parte de Alemaña, intervención exterior na Guerra Civil española, nacemento do Eixe Roma-Berlín e sinatura do Pacto Antikomintern)

5. PASO 5: COMENTARIO DO SEGUNDO DOCUMENTO (continuación do expansionismo nazi (DOCUMENTO 3), facendo referencia ás novas invasións que vai realizando a Alemaña nazi, que se engaden ás que realizara anteriormente e que tamén están reflectidas no mapa, e estes movementos de expansión serían a anexión de Austria ao Reich alemán, explicando a celebración da Conferencia de Múnic e a formación do Protectorado de Bohemia-Moravia)

DOCUMENTO 3. O EXPANSIONISMO NAZI



3. O expansionismo nazi (1935-1939).

Pautas a seguir para o comentario do mapa histórico

a) CLASIFICACIÓN

- Título
- Natureza do mapa
 - En función da súa orixe (fonte primaria ou fonte secundaria)
 - En función da súa forma (histórico-físico, histórico- político, histórico-topográfico, histórico-urbano...)
 - En función do seu contido (político, económico, agrario, industrial, militar...)
- Época na que foi realizada
- Espazo xeográfico que ocupa
- Ámbito cronolóxico que abrangue

b) ANÁLISE

- Tema principal
- Outros temas e outra información que nos achega

c) COMENTARIO

- Explicación do tema ou temas que trata o mapa, **sempre en relación e facendo referencia ao contido do documento**
 - Mención en primeiro lugar das circunstancias históricas que inflúen na configuración do mapa
 - Análise dos elementos do mapa que nos achegan información sobre o acontecemento e a época
 - Identificación da mensaxe que nos pretende transmitir

d) CONCLUSIÓN

- Valoración crítica do mapa como fonte de información sobre os feitos históricos tratados (autenticidade, exactitude, sinceridade, obxectividade, nivel de interese á hora de analizar o acontecemento ou a época histórica na que se inscribe...)

6. PASO 6: EXPLICACIÓN DO CONTEXTO HISTÓRICO FINAL (invasión de Albania por parte de Italia e sinatura do Pacto de Aceiro))